

「宋」王欽若等編纂 周勛初等校訂

冊府元龜

校訂本



鳳凰出版傳媒集團 鳳凰出版社

冊府元龜

校訂本

叁

卷一八二至卷二六一

閏位部 僭僞部 列國君部

儲宮部

〔宋〕王欽若等 編纂 周勛初等 校訂 鳳凰出版傳媒集團 鳳凰出版社

南京大學古典文獻研究所專刊

第三冊校點人員

蔣 寅(卷一八二——一九九、卷二二八——二四七)

錢興奇(卷二〇〇——二一五)

王華寶(卷二一六——二二七、卷二四八——二六一)

冊府元龜第三冊目錄

閏位部

卷一八二

總序…………… (2017)

氏號…………… (2018)

誕生…………… (2022)

名諱…………… (2023)

卷一八三

勳業…………… (2028)

卷一八四

勳業第二…………… (2041)

卷一八五

勳業第三…………… (2056)

卷一八六

勳業第四…………… (2070)

卷一八七

勳業第五…………… (2089)

卷一八八

紹位…………… (2102)

年號…………… (2108)

卷一八九

孝德…………… (2113)

奉先…………… (2114)

尊親…………… (2119)

卷一九〇

姿表…………… (2122)

智識…………… (2123)

聰察…………… (2125)

器度…………… (2127)

才藝…………… (2128)

卷一九一

立法制…………… (2130)

政令…………… (2134)

卷一九二

文學…………… (2145)

好文…………… (2148)

頌美…………… (2150)

卷一九三

崇祀…………… (2157)

弭災…………… (2162)

卷一九四

崇儒…………… (2166)

崇釋老…………… (2170)

卷一九五

惠民…………… (2178)

仁愛…………… (2181)

恤征役…………… (2184)

卷一九六

建都…………… (2188)

封建…………… (2192)

勤政…………… (2193)

誠勵…………… (2196)

卷一九七

朝會…………… (2204)

宴會…………… (2205)

慶賜…………… (2208)

納貢獻…………… (2213)

卷一九八

耕籍…………… (2217)

務農…………… (2219)

節儉…………… (2221)

卷一九九

命相…………… (2227)

選將…………… (2232)

卷二〇〇

倚任…………… (2238)

卷二〇一

祥瑞…………… (2255)

卷二〇二

祥瑞第二…………… (2268)

卷二〇三

徵應…………… (2281)

卷二〇四

知子…………… (2290)

知臣…………… (2291)

念良臣…………… (2295)

卷二〇五

巡幸…………… (2300)

畋遊…………… (2307)

卷二〇六

禮賢…………… (2310)

好賢…………… (2313)

獎善…………… (2315)

養老…………… (2317)

卷二〇七

恩宥…………… (2320)

卷二〇八

恩宥第二…………… (2332)

卷二〇九

欽恤…………… (2343)

念功…………… (2344)

寬恕…………… (2346)

宥過…………… (2350)

悔過…………… (2352)

卷二一〇

旌表…………… (2358)

明賞…………… (2364)

延賞…………… (2367)

卷二一一

求舊…………… (2371)

繼絕…………… (2377)

卷二一二

招諫…………… (2380)

納諫…………… (2382)

聽納…………… (2384)

推誠…………… (2387)

卷二一三

求賢…………… (2392)

命使…………… (2395)

卷二一四

權略…………… (2401)

訓兵…………… (2406)

卷二一五

招懷…………… (2411)

和好…………… (2419)

卻貢獻…………… (2425)

卷二一六

征伐…………… (2429)

卷二一七	
交侵……………	(2439)
卷二一八	
失政……………	(2455)
疑忌……………	(2457)
惡直……………	(2462)

僭偽部

卷二一九	
總序……………	(2466)
姓系……………	(2467)
年號……………	(2474)
卷二二〇	
形貌……………	(2480)
聰識……………	(2481)
令德……………	(2484)
才藝……………	(2487)
卷二二一	
勳伐……………	(2490)
卷二二二	
勳伐第二……………	(2499)
卷二二三	
勳伐第三……………	(2508)
卷二二四	
奉先……………	(2516)
孝友……………	(2518)
宗族……………	(2519)
卷二二五	
世子……………	(2525)
卷二二六	
知人……………	(2534)
寬恕……………	(2535)

恩宥……………	(2536)
戒懼……………	(2540)
卷二二七	
謀略……………	(2543)
倚任……………	(2548)
卷二二八	
崇儒……………	(2553)
務農……………	(2555)
好文……………	(2556)
禮士……………	(2557)
卷二二九	
政治……………	(2560)
求諫……………	(2563)
聽納……………	(2564)
卷二三〇	
褒賞……………	(2569)
慶賜……………	(2570)
飲宴……………	(2572)
交好……………	(2573)
和好……………	(2574)
懷附……………	(2576)
卷二三一	
征伐……………	(2581)
卷二三二	
稱藩……………	(2591)
卷二三三	
好土功……………	(2603)
悔過……………	(2604)
矜大……………	(2606)
失策……………	(2608)
卷二三四	
兵敗……………	(2611)

列國君部

卷二三五

總序…………… (2619)

建國…………… (2620)

錫命…………… (2626)

奉先…………… (2628)

卷二三六

嗣襲…………… (2631)

卷二三七

嗣襲第二…………… (2641)

卷二三八

智識…………… (2654)

謀略…………… (2656)

任謀…………… (2659)

卷二三九

政令…………… (2665)

任賢…………… (2671)

有禮…………… (2677)

卷二四〇

勤王…………… (2682)

獻捷…………… (2687)

救患…………… (2688)

卷二四一

崇祀…………… (2694)

旌表…………… (2697)

禮士…………… (2699)

卷二四二

聽諫…………… (2703)

明賞…………… (2710)

卷二四三

務德…………… (2715)

宴享…………… (2719)

卷二四四

休徵…………… (2728)

戒懼…………… (2730)

悔過…………… (2731)

卷二四五

朝聘…………… (2738)

姻好…………… (2747)

卷二四六

盟會…………… (2753)

卷二四七

盟會第二…………… (2770)

卷二四八

攻伐…………… (2782)

卷二四九

攻伐第二…………… (2805)

卷二五〇

攻伐第三…………… (2833)

卷二五一

攻伐第四…………… (2845)

卷二五二

復邦…………… (2862)

訓練…………… (2866)

禦備…………… (2867)

交質…………… (2870)

行罰…………… (2872)

卷二五三

識闇…………… (2881)

奢侈…………… (2883)

信讒…………… (2885)

卷二五四

失政…………… (2892)

失禮…………… (2898)

卷二五五

- 失賢…………… (2906)
 拒諫…………… (2908)
 害賢…………… (2911)

儲宮部

卷二五六

- 總序…………… (2915)
 建立…………… (2915)

卷二五七

- 建立第二…………… (2923)

卷二五八

- 誕慶…………… (2931)
 儀貌…………… (2932)
 令德…………… (2932)

- 孝友…………… (2933)

- 才智…………… (2935)

- 文學…………… (2936)

- 失德…………… (2937)

卷二五九

- 監國…………… (2940)

- 將兵…………… (2943)

卷二六〇

- 尊師傅…………… (2946)

- 禮士…………… (2947)

- 齒冑…………… (2953)

- 講學…………… (2954)

卷二六一

- 忠諫…………… (2958)

- 褒寵…………… (2963)

- 追諡…………… (2964)

冊府元龜卷第一百八十二

閏位部(一)

總 序

仲尼有言：「化合神者稱皇，德合天者稱帝，德合仁義者稱王。」斯并穹昊有命，曆數在躬，大庇生民，奄宅區宇者也。其或真人未應，中夏多難，本非靈心之所眷，暫爲人望之攸屬，或紹承於大統，或專據於一方，雖復置宗祊，改正朔，建官以治，嚮明以朝，然與受河洛之符、應龍馬之紀者殊矣。故載籍譬之閏餘，明其非正焉。昔庖犧氏繼天而王，德始於木，其后三正五運，迭相紹襲，而共工氏雖伯九州，自謂水德，居犧農水火之間，非其序也。故不載於《易》，不見於《書》。茲閏之始也。降及嬴秦，雖并六國，亦自謂水德，復在周、漢水火之間，又非其序也，故高祖弗之繼。班氏謂之伯，此亦共工氏之比也。其後建安失御，三國分峙，魏文受山陽之禪，都天地之中，謂之正統，得其宜矣。劉先主僻處梁、益，孫大帝遠據江吳，自竊尊名，靡有神器，誠非共工之匹，然亦異於正統，故同爲閏焉。劉氏雖爲孝景之後，有季漢之稱，蓋以赤伏之數已盡，黃星之兆又彰，不足據矣。及晉元南遷，五胡迭盛。瞻烏之嘆，生於中原；餘分之基，傳於江左。汜夫典午陵替，靈寶篡迫，故宋武撥亂而起焉。及元徽凶惡，天王肆逆，故齊高專政而代焉。暨東昏奢淫，蕭懿被殺，故梁武興兵而取焉。逮江陵不守，貞陽被廢，故陳武假名而興焉，雖則自謂水火木土之運，然而都邑居於下國，聲教隔於中州，永初始基，不能混一，長城失德，歸於夷滅。城郭翦而無餘，宗祀倏而俱滅。隋氏早已受宇文之禪，應炎上之德，則此與夫爲虞賓、助周祭者殊矣，故亦謂之閏焉。其後唐氏衰微，朱梁凌奪。雖則稱金行，宅天邑，然而莊宗以長安之屬籍，總大鹵之兵威，自是中興，殄茲仇敵，首藏於大社，家靡於遺統。斯亦不得爲正矣，故繼之於閏。共工之迹，舊史無聞。然秦氏而下，凡八朝焉。以其聲名文物、憲章禮樂，方冊所紀，咸有可觀。至於昏弱之迹，凌夷之政，亦可爲鑒戒，代厥盤盂，今并著之于篇。若夫王莽、桓玄之類，皆不終其身，自取其斃。唐末諸方鎮，或功德無聞，或封疆至小，并存別部，不得預於斯焉。凡七十八門。

氏號 誕生 名諱

氏 號

自秦盜周鼎，二世而滅。赤伏之末，孫劉并起，江表四代，介于南紀。東魏析派，高齊逼禪，逮于朱梁，遂移唐祚。率非五行更代之序，乃當紫色餘分之目。其於命族之本系，享年之修促，號諡之稱，傳襲之數，咸用討於史牘，類例比次，蓋有條而不紊，披文而可見也。

秦始皇姓嬴氏，其先帝顓頊之苗裔孫，取女修，女修織，玄鳥隕卵，女修吞之，生子大業。大業取少典之子曰女華，生大費，與禹平水土。已成，帝錫玄圭，禹受，曰：“非予能成，亦大費爲輔。”帝舜曰：“咨爾費，贊禹功，其錫爾皂旒，爾後嗣將大出。”乃妻之姚姓之玉女（謂錫之玄玉，妻以姚姓之女也）。大費拜受，佐舜調馴鳥獸，多馴服。是爲柏翳，帝賜姓嬴氏。大費生子二人，一曰大廉，實爲裕氏^[1]。二曰若木^[2]，實爲費氏。其玄孫曰費昌，子孫或在中國，或在夷狄。費昌當夏桀之時，去夏歸商，爲湯御，以敗桀於鳴條。大廉玄孫曰孟戲、中衍，鳥身人言，帝大戊聞而卜之使御，吉，遂致使御而妻之。自大戊以下，中衍之後遂世有功，以佐殷國。故嬴姓多顯，遂爲諸侯。其玄孫曰中湣（一作馮），生蜚廉，蜚廉生惡來，父子俱以材力事紂。蜚廉復有子曰季勝，季勝生孟增^[3]，幸於周成王，是爲宅皋狼。皋狼生衡父，衡父生造父。徐偃王作亂（臨淮有徐縣，古徐國），造父爲繆王御，長驅歸周以救亂。繆王以趙城封造父（趙城在河東永安縣），造父族由此爲趙氏。自蜚廉生季勝，已下五世至造父，別居趙，趙襄其後也。惡來革者，蜚廉子也，早死。有子曰女防。女防生旁皋，旁皋生大几，大几生大駱，大駱生非子，以造父之寵皆蒙趙城，姓趙氏。非子居大丘^[4]（今槐里也），孝王召使主馬于汧渭之間。孝王欲以非子爲大駱適嗣，而大駱娶申侯之女^[5]，生子成爲適，乃分土爲附庸，邑之秦（今天水隴西縣秦亭）。復使續嬴氏祀，號曰秦嬴。秦嬴生秦侯，秦侯生公伯，公伯生秦仲。秦仲立三年，周厲王無道，諸侯咸叛之，西戎反王室，滅大丘大駱之族。周宣王即位（秦仲之十八年也），乃以秦仲爲大夫，誅西戎。西戎殺秦仲，秦仲立二十二年死於戎。有子五人。其長者曰莊公，周宣王乃召莊公昆弟五人，與兵七千人，使伐西戎，破之。於是復予秦仲後，及其先大駱地大丘并有之，爲西垂大夫。莊公居其故西大丘，生三人。其長男世父曰：“戎殺我大夫仲，我非殺戎王則不敢入邑。”遂將擊戎，讓其弟爲太子。莊公立四十年卒^[6]，太子代立，是爲襄公。襄公七年，周幽王爲犬戎所殺。襄公將兵救周，戰甚力，有功，又以兵送平王東遷。平王封襄公爲諸侯，賜之以其西之地^[7]。

曰：“戎無道，侵奪我岐豐之地，秦能攻逐戎，即有其地。”與誓，封爵之。襄公十二年卒，文公立。四十八年，文公太子卒^[8]，諡為殯公。殯公之長子為太子，是文公孫也。五十年文公卒，殯公子立，是為寧公。寧公立十二年，卒。有子三人，長男武公為太子。武公弟德公，同母魯姬子，生出子。寧公卒，太庶長弗忌、成壘、三父廢太子^[9]，而立出子為君。出子六年，三父等復殺出子，立故太子武公。二十年，武公卒，立其弟德公。德公立二年卒，生子三人。長子宣公，中子成公，少子繆公。宣公立十二年卒，生子九人，莫立，立其弟成公。成公立四年卒，子七人，莫立，立其弟繆公。繆公立三十七年，用繇余謀伐戎王，益國十二，開地千里，遂霸西戎。三十九年繆公卒，有子四十人。其太子罃代立，是為康公。康公立十二年卒，子共公立。共公五年卒，子桓公立。桓公二十七年卒，子景公立。景公四十年卒，子哀公立。哀公三十六年卒，太子夷公蚤死，立夷公子為惠公。惠公立十年卒，子悼公立。悼公十二年卒，子厲共公立。厲共公三十四年卒，子躁公立。躁公十四年卒，立其弟懷公。懷公四年自殺，太子昭子蚤死，大臣乃立昭子之子，是為靈公。靈公十年卒，子獻公不得立，立靈公季父悼子，是為簡公。簡公十六年卒，子惠公立。惠公三年卒，出子立。出子二年，庶長迎靈公子獻公于河西而立之。獻公二十四年卒，子孝公立。孝公二十四年卒，子惠文君立，是為惠王。惠王十四年更為元年，至十四年卒，子武王立。武王四年卒，無子，立異母弟，是為昭襄王。昭襄王五十六年卒，子孝文王立。孝文王元年卒，子莊襄王立。莊襄王二年卒，子政立，是為秦始皇帝。在位三十七年，子胡亥立，是為二世皇帝。二世三年，諸侯并起叛秦，趙高殺二世，立子嬰。子嬰立月餘，諸侯誅之，遂滅秦。

蜀先主姓劉氏，涿郡人，漢景帝子中山靖王勝之後。勝子貞，元狩六年封涿縣陸城亭侯，坐酎金失侯，因家焉。先主祖雄，父弘，世仕州郡。雄舉孝廉，官至東郡范令。建安二十六年四月，先主即皇帝位於成都武庫之南，在位三年。太子禪立，是為後主，母曰甘皇后。在位四十年，降於魏，封安樂公。至泰始七年^[10]，薨於洛陽。

吳大帝姓孫氏，名權，吳郡富春人，蓋孫武之後。父堅，為後漢破虜將軍，領豫州刺史。獻帝初平三年，袁術使堅征荊州，為黃祖軍士所射殺。興平元年，術以堅部曲還其子策，為折衝校尉，行殄寇將軍，平定江東。策自領會稽太守。術既僭號，策以書絕之。魏太祖表策為討虜將軍，封為吳侯。建安五年，為吳郡太守許貢客所殺。創甚，乃呼權以印綬授之。黃初元年，魏受漢禪。二年，封權為吳王。其年魏遣曹休等圍南郡，權遂改年黃武，臨江拒守。九年四月，權即皇帝位，母曰吳皇后。在位二十四年，年七十一，太子亮嗣位，是為廢帝，母曰皇后潘氏。在位七年，大將軍孫綝廢為會稽王，時年十六。綝迎權第六子瑯琊王休紹位，是為景帝，母曰敬懷皇后王氏。在位七年，年三十薨，諡曰景皇帝。兄子皓紹位，是為歸命侯。皓，廢太子和之子，權之孫也，母曰昭獻皇后何氏。在位十七年，降於晉，賜號歸命侯。死於洛陽，年四十二。

宋高祖武帝，姓劉氏，彭城縣綏里人^[11]，漢高帝弟楚元王交二十一世。交生紅懿侯富，富生宗正辟強，辟強生陽城繆侯德，德生陽城節侯安民，安民生陽城釐侯慶忌，慶忌生陽城肅侯岑，岑生宗丘年^[12]，年生東武城令，令生東萊太守景，景生明經治，治生博士弘，弘生瑯琊都尉悝，悝生魏定襄太守某（史失名），某生邪城令亮，亮生晉北平太守膺，膺生相國掾熙，熙生封令旭孫，旭孫生混。始過江居晉陵郡丹徒縣之京口里，官至武原令。混生東安太守靖，靖生郡功曹超，超生帝。晉元熙二年四月以宋王受禪，即皇帝位于建康宮太極殿，母曰穆皇后趙氏，在位三年。年六十七，太子義紹位，是為少帝，母曰張夫人。在位三年，撫軍將軍謝晦、司空錄尚書事徐羨之等宣太后令，廢帝為榮陽王，又使中書舍人邢安泰害之，年十九。羨之等迎武帝第三子宜都王義隆紹位，是為文帝，母曰胡婕妤。在位三十年，年四十七，為太子劭所弑。第三子駿紹位，為孝武帝，母曰路叔媛。在位十一年，年三十五，太子子業紹位，是為前廢帝，母曰王皇后。在位二年，為湘東王彧所廢，年十七。彧遂紹位，是為明帝，母曰沈婕妤。在位八年，年三十，太子昱紹位，是為後廢帝，母曰陳貴妃。在位六年，年十五，為齊王蕭道成所廢，以明帝第三子安成王準紹位，是為順帝，母曰陳昭華。（明帝晚年痿疾，不能御內，諸弟姬有懷孕者，取入宮，乃生男，與六宮所愛者養之，而殺其母。順帝即桂陽王休範子也，母不知何氏，而以昭華為母。）在位三年，年十三，禪于齊。

南齊太祖高皇帝，姓蕭氏，漢相國何二十四世孫。何子齊定侯延生侍中彪^[13]，彪生公府掾章，章生皓，皓生仰，仰生御史大夫望之，望之生光祿大夫育，育生御史中丞紹，紹生光祿助閔，閔生濟陰太守闡，闡生吳郡太守永，永生中山相苞，苞生博士周，周生蛇丘長矯，矯生州從事遠，遠生孝廉休，休生廣陵郡丞豹，豹生太中大夫裔，裔生淮陰令整，整生即丘令雋，雋生輔國將軍樂子，樂子生右軍承之，承之生帝。初，何居沛，何孫彪免官，居東海蘭陵縣中都里。晉元康年，分東海為蘭陵郡。中朝亂，淮陰令整過江。晉陵武進縣，僑置本土，加以南名，於是為南蘭陵人也。帝以宋順帝昇明三年四月，遂受禪即皇帝位，母曰孝皇后陳氏。在位四年，年五十六，太子贍紹位，是為武帝，母曰劉皇后。在位十二年，年五十四，皇太孫昭業紹位，是為鬱林王，母曰皇太子妃王氏。在位二年，年二十二，為高帝庶兄始安王道生之子西昌侯鸞所殞，迎新安王昭文紹位，是為海陵王。在位一年，亦為西昌侯鸞所殺，年十五。鸞紹位，是為明帝，母曰懿后。在位五年，年四十七，太子寶卷紹位，是為東昏侯，母曰明敬劉皇后。在位四年，雍州刺史蕭衍舉義，奉明帝第八子荊州刺史南康王寶融即位於江陵，是為和帝。舉兵向闕，冠軍將軍王珍國、侍中張楞率兵入殿殞之，年十九。和帝在位二年，禪于梁，為梁所殞，年十五。

梁高祖武帝，姓蕭氏，蘭陵中都里人。漢相國何之後。何生鄼定侯延，延生侍中彪，彪生公府掾章，章生皓，皓生仰^[14]，仰生太子傅望之^[15]，望之生光祿大夫育，育生御史

中丞紹，紹生光祿勳閔，閔生濟陰太守闡，闡生吳郡太守永，永生中山相苞，苞生博士周，周生蛇丘長矯，矯生州從事逵，逵生孝廉休，休生廣陵郡丞豹，豹生太中大夫裔，裔生淮陰令整，整生濟陰太守緒，緒生州治中副，副生南臺治書道賜。道賜生順之，齊高帝族弟也，參預佐命，封臨湘縣侯，歷官侍中、衛尉、太子詹事、領軍將軍、丹陽尹，贈鎮北將軍。順之生帝，齊中興二年四月，梁王受禪，即皇帝位，母曰獻皇后張氏。帝在位四十九年，年八十六，太子綱紹位，是爲簡文帝，母曰穆太后丁氏。在位三年，爲侯景所廢^[16]，年四十九。武帝第七子荊州刺史持節都督荆、雍、湘、司、郢、寧、梁、南北秦九州諸軍事湘東王繹即位于江陵，是爲孝元帝，母曰文宣太后阮氏。在位三年，江陵爲西魏所陷，帝遂遇害。帝第九子晉安王方智立，是爲敬帝，母曰夏太后。在位二年，禪於陳帝。薨於外邸，年十六。

後梁宣帝，武帝之孫，昭明太子統之第三子，中大通三年封岳陽郡王，歷官宣惠將軍、知石頭戍事、瑯琊、彭城二郡太守、東陽州刺史。及江陵陷，爲周太祖所立，稱皇帝於其國。在位八年，年三十四，太子毓立^[17]，是爲明帝。在位二十三載，年四十四，太子琮立。二年，隋文帝徵入朝，因留不遣。

陳高祖武帝，姓陳氏，吳興長城下若里人。漢太丘長寔之後，世居潁川。寔玄孫準，晉太尉。準生康，康生達，永嘉南遷，爲丞相掾，歷太子洗馬，出爲長城令，悅其山水，遂家焉。達生康，康生盱眙太守英，英生尚書郎公弼，公弼生步兵校尉鼎，鼎生散騎常侍高，高生懷安令咏，咏生安，安生太守猛，猛生太常卿道巨，道巨生文讚，文讚生帝。梁敬帝太平二年十月，以陳王受禪，即皇帝位，母曰董氏安皇后。帝在位三年，年五十七，兄子臨川郡王蒨紹位，是爲文帝。在位八年，太子伯宗紹位，是爲廢帝，母曰沈皇后。在位二年，太皇太后令降爲臨海郡王^[18]，以始興昭烈王第二子太傅安成王瑱紹位^[19]，是爲孝宣帝。在位十四年，年五十三，太子叔寶紹位，母曰柳皇后。在位八年，貞明三年正月，爲隋所滅，遂降于隋。至仁壽四年，薨於洛陽，年五十二。

東魏孝靜帝，姓元氏，後魏孝文帝之曾孫，清河王懌之孫^[20]，嗣清河王亶之世子，母曰胡妃。孝武帝永熙三年八月，拜開府儀同三司。孝武入關，大將軍渤海王高歡，與百官會議，推帝以奉明帝之後，時年十一。在位十七年，禪于北齊。明年薨于中山國，年二十八。

北齊顯祖文宣帝，姓高氏，渤海蓨人。七世祖隱，晉玄菟太守。隱生慶，慶生泰，泰生湖，三世仕慕容氏。及慕容寶敗，國亂，湖率亂衆歸魏，爲右將軍。湖生四子，第三子謚仕魏，位至侍御史。坐法徙居懷朔鎮。謚生樹，樹生歡，仕東魏爲丞相。歡薨，長子澄嗣，遇害，帝以母弟嗣位。天平八年六月，以丞相齊王受禪即皇帝位，母曰婁太后。在位十年，年三十一，太子殷紹位，是爲廢帝，母曰李皇后。在位一年，年十七，文宣母弟常山王演立，是爲孝昭帝。在位一年，年二十七，母弟長廣王湛立，是爲武成帝。在位

五年，禪位於太子緯，是爲後主（武成年二十一^[21]），後主母曰胡皇后。在位十二年，爲後周所滅，年二十二。

梁太祖神武元聖孝皇帝，姓朱氏，宋州碭山人。其先舜司徒虎之後。高祖黯，曾祖茂琳，祖信，父誠。帝即誠之第三子，母曰文惠王皇后。唐哀帝天祐四年四月，以相國梁王受禪，即皇帝位。在位八年，年六十一。明年，第四子東京留守均王友貞平庶人友珪，紹位，是爲末帝，母曰元貞張皇后。在位十一年，爲後唐所滅。

誕 生

夫天命所佑，運歷攸歸。有開必先，休應斯見。故其生也，必有禎符之朕^[22]、神靈之紀，以啓其祚焉。非獨乘五勝而起，繼三微而王者有是徵也^[23]。至於居餘分之次，擅一方之地者，亦復嘉祥貴象，兆於厥初。斯蓋上稽靈心，雖殊於天序，下觀人事，亦異於常民。表神道之玄遠，咸史氏而昭著者矣^[24]。

秦始皇以昭王四十八年正月生於邯鄲，及生，名爲政（以正月旦生日）。

吳武烈帝堅，母懷妊，夢腸出繞吳昌門。寤而懼之，以告鄰母，鄰母曰：“安知非吉徵也？”

大帝母吳氏，孕而夢月入其懷，既而生策。及帝在孕，又夢日入其懷。以告堅曰：“昔妊策，夢月入我懷，今也又夢日入我懷，何也？”堅曰：“日月者，陰陽之精，極貴之象。吾子孫其興乎！”

廢帝亮以赤烏七年三月生於內殿。

宋高祖以晉哀帝興寧元年歲次癸亥三月壬寅夜生，神光照室盡明，是夕甘露降於墓樹。

少帝以晉義熙二年生於京口，高祖年逾不惑，尙未有男，及帝生，甚悅。

文帝以晉義熙三年生於京口。

孝武帝以文帝元嘉七年八月庚午夜生，有光照室。

前廢帝以元嘉二十六年正月甲申生。

明帝以元嘉十六年十月戊寅生。

後廢帝以大明七年正月辛丑生於衛尉府。

順帝以泰始五年癸丑生^[25]。

南齊高祖以宋元嘉四年丁卯生。

武帝以元嘉二十七年六月己未生於建康縣之青溪宅^[26]，其夜陳孝后（高帝母）、劉昭后（帝母也）同夢龍據屋上，故小字龍兒。

梁高祖以宋孝武大明八年甲辰歲生於秣陵縣同夏里三橋宅^[27]。初帝母張后嘗夢

抱日，已而有娠。其後忽見庭前昌蒲花光采非常，遂取吞之，是月生帝。將產之夕，有異光，后見庭內若有衣冠陪列焉。

簡文帝以天監二年十月丁未生于顯陽殿。

孝元帝母阮修容夢龍罩其床(一云夢月墮懷中)，天監七年八月丁巳生帝于後宮，舉室中非常香，有紫胞之異。

陳高祖以梁天監二年癸未歲生於吳興長城下若里。

廢帝以梁承聖三年五月庚寅生。

宣帝以梁大通二年七月辛酉生，有赤光滿堂室。

後主以梁承聖二年十一月戊寅生於江陵。

北齊文宣帝母婁太后既孕，每夜有赤光照室，私常怪之。及產，名之曰俟尼，鮮卑言有相子也。初婁太后有孕，六男二女，皆感夢。孕文襄則夢一斷龍；文宣則夢一大龍，首尾屬天地，張口動目，勢狀驚人；孝昭則夢蟠龍於地，武成則夢龍浴於海。

後主母胡后夢於海上坐玉盆，日入裙下，遂有娠，天保七年五月五日生於并州邸。

幼主母穆皇后武平元年六月生於鄴。

梁太祖以唐大中六年壬申歲十月二十一日生於碭山縣午溝里。是夕，所居廬舍之上，有赤氣上騰，里人望之皆驚奔。來日，朱家火發矣，及則廬舍儼然，既而鄰人以誕孩告，衆咸異之。

開平元年五月辛巳，有司奏以降誕之日爲大明節，休假前後各一日。十月庚午大明節，內外臣僚各以奇貨良馬上壽。故事：內殿開宴，召釋道二教對御談論。宣旨罷之，命閤門使以香合賜宰臣佛寺行香。

二年十月己未大明節，諸道節度刺史各進獻鞍馬、銀器、綾帛以祝壽，宰臣百官設齋於相國寺。

三年十月癸未大明節，帝御文明殿，設齋僧道，召宰臣、翰林學士預之，諸道節度刺史及內外諸司使咸有進獻(臣欽若等曰：《梁太祖實錄》自開平四年後不書誕節)。

末帝以唐文德元年戊申歲九月十二日生於東京。乾化二年三月，文武百官上言請以九月十二日帝降誕日爲明聖節，休假三日，從之^[28]。

名 諱

名以制義，所以著象類之說；諱不逼下，所以申臣子之情。是知名諱之來，古今通道。而餘分之在位，亦偏方之所奉。雖本以嘉稱，期於象德，或求諸義訓，契彼未然。蓋成敗之有端，若符應之素定。然則稽之人事，察彼天道，諒盛衰之在德，豈名稱之足云乎？

秦始皇帝名政，以昭王四十八年正月生於邯鄲。（一云名正，以正月旦生故也。）

二世皇帝名胡亥（始皇時，燕人盧生奏圖書曰^[29]：“亡秦者胡也。”始皇不知此爲人名，反備北胡）。

蜀先主名備，字玄德。

後主名禪，字公嗣。譙周曰：《春秋傳》著晉穆侯名太子曰仇，弟曰成師。師服曰：“異哉，君之名子也！嘉耦曰妃，怨耦曰仇。今君名太子曰仇，弟曰成師，始兆亂矣，兄其替乎？”其後果如服言。及漢靈帝名二子曰史侯、董侯，既立爲帝，後皆免爲諸侯。備言具也，禪言授也^[30]，若言漢已具矣^[31]，當授與人也，意者甚於穆侯、靈帝之名。蜀既亡，咸以周言爲驗。

吳大帝名權，字仲謀。

廢帝名亮，字子明。

景帝名休，字子烈。

後主名皓，字元宗^[32]。一名彭祖，字皓宗。

宋高祖名裕，字德興，小字寄奴（孔子《河洛讖》曰：空穴無主奇人中，女子獨立又爲雙）。

少帝名義符，小字車兵。

文帝諱義隆，小字車兒。

孝武帝諱駿，字休龍，小字道人。

前廢帝諱子業，小字法師。

明帝諱彧，字休景^[33]，小字榮期。

後廢帝諱昱，字德融，小字慧震。初，明帝諸子在孕，皆以《周易》筮之，即以所得之卦爲小字。故帝字慧震，其餘皇子亦如之。

順帝諱準，字仲謀，小字知觀。

南齊太祖諱道成，字紹伯，小字鬪將。王子年歌曰：“欲知其姓草肅肅，穀中最細低頭熟。”穀中精細者稻，即道也；熟猶成也。《孝經鈎命決》曰：誰者起視將，皆帝之符應。（事具閭位徵應門。）

武帝諱頤，字宣遠，小字龍兒^[34]。

鬱林王諱昭業，字元尚，小字法身。

海陵王諱昭文，字季尚。

明帝諱鸞，字景栖，小字玄度。

東昏侯諱寶卷，字智藏，本名明賢^[35]。明帝輔政後改焉。（論者曰：名以行義，往賢垂範。備而之禪，術士識之。東昏已卷矣，藏以終之。其兆先徵，蓋天所命矣。）

和帝諱寶融，字知昭。